



## ՄԿՐՏԻՉ ՍԱՆԱՍԱՐԵԱՆՑ

Հեռագիրք եւ լրագիրք արդէն իսկ գութեցին՝ մայիս 19 օրուան մէջ Հայ ազգին ծանրագոյն կորուստը՝ յանձին ՄԿՐՏԻՉ ՍԱՆԱՍԱՐԵԱՆՑԻ, ազգային յառաջադիմութեան զօրաւոր եւ ինքնանուէր գործիչներէ միոյն մահկանացուն կնքուելով։

Հանգուցելոյն բարեգործութիւններն, առատածեռնութիւնքն, գործելու եղանակն եւ նպատակն եւ արդիւնք՝ ծանօթ են ամէն հայ անհատի, զորս եւ օրագիրք հոխաբար բացատրեցին ըստ արժանոյն՝ նորա մահագոյժը տուած ատեն։

Բազմավէպ Հանդիսարանս, եթէ՛ իբրեւ ազգային սգոյն սգակից եւ եթէ՛ իբրեւ ներկայացուցիչ այն ընկերութեան, որ Ս/ատան/ի հրատարակմանն առիւ վայելելը է հանգուցելոյն առատածեռնութեան արգասիքը, չէ՛ կարող մեծ ազգասիրի շիրմին վրայ դիզուած քանաւոր պատկներու թուին՝ չըյաւելուլ նաեւ իւր սգոյ եւ երախտագիտութեան յատուկ սեւազգեաց նշանակը։

Փափաք մի, մանաւանդ թէ երդում մի՛ զոր իւրաքանչիւր հայ սիրտ պէտք է երկնէ իւր ծոցի մէջ՝ ՄԿՐՏԻՉ ՍԱՆԱՍԱՐԵԱՆՑԻ շիրմին առջեւ՝ արժան է որ լինի՝ օրինակ ուղղութեան առնելու զինքը, գործնական եւ ռանդեամբ աշխատելով յօգուտ ազգի եւ մարդկութեան. ազգի մի՛ որ ըստ արժանոյն գիտէ այժմ՝ ճանաչել եւ պատուել իւր երախտաւորները... Այո՛, այս ազգին ամէն դասակարգի վերաբերեալ անհատից առգն եւ արտասուք՝ գերազանց եւ միակ արժանաւոր զարդ են եւ պիտի լինին նաեւ ապագայի մէջ տխրագեաց շիրմի ՄԿՐՏԻՉ ՍԱՆԱՍԱՐԵԱՆՑԻ։

ԽՄԲԱԳԻՐՆ